

3

REGLUGERÐ

4. jan.

um framkvæmd á störfum ríkisféhirðis og samvinnu hans við ríkisbókhaldið.

Samkvæmt tilskipun nr. 16 8. sept. 1918 og 7. gr. laga nr. 61 8. sept. 1931 eru settar þessar reglur, um störf ríkisféhirðis og framkvæmd þeirra og samvinnu hans við ríkisbókhaldið.

1. gr.

Fjármálaráðherra skipar ríkisféhirði og ákveður tryggingu þá, sem hann skal setja fyrir fé því, sem honum er trúað fyrir. Hann skipar ríkisféhirði aðstoðarmenn til féhirðis- og afgreiðslustarfa.

Laun starfsmanna eru ákveðin í launalögum.

2. gr.

Ríkisféhirðir varðveitir reiðufé ríkissjóðs og ávísar einn á hinn venjulega viðskiptareikning ríkissjóðs í Landsbanka Íslands. Heimilt er ríkisféhirði að gefa öðrum umboð til að ávísar á reikninginn, ef fjármálaráðherra samþykkir. Ávísanirnar skulu bókaðar áður en þær eru gefnar út og meðundirritaðar af ríkisbókara eða þeim, sem hann felur að annast bókunina.

Kvittanir fyrir greiðslum í ríkissjóð eru bindandi fyrir ríkissjóð, ef þær eru undirritaðar af ríkisféhirði eða aðstoðarféhirði og ríkisbókara eða fulltrúa hans, og er hún ógild nema báðir aðiljar undirriti hana. Slíkar kvittanir skulu bókaðar áður en tekið er við innborguninni.

3. gr.

Ríkisféhirði til aðstoðar eru féhirðar, einn eða fleiri, eftir ákvörðun fjármálaráðuneytisins. Ríkisféhirðir afhendir aðstoðarféhirði í byrjun hvers afgreiðsludags sjóð, sem ætla má að sé til dags þarfa og bætir við hann eftir ástæðum. Sjóð þann varðveitir aðstoðarféhirðir þar til er hann skilar honum í hendur ríkisféhirðis að loknum afgreiðslutíma og uppgjöri. Tekur ríkisféhirðir þá við sjóði aðstoðarféhirðis og varðveitir hann til næsta afgreiðslutíma.

4. gr.

Féhirðarnir skulu færa í kladda fjárhæðir inn- og útborgana, sem þeir annast, og geyma hjá sér til loka afgreiðslutíma skjölin, sem heimila útborgunina og eftirrit af innborgunarkvittun. Þeir skulu hver hafa auðkenndan stimpil, sem þeir merkja með hvert fylgiskjal, svo rekja megir hvaða féhirðir hafi afgreitt það. Stimpillinn skal vera með dagsetningu þess dags, sem skjalið er afgreitt. Að afgreiðslutíma loknum ber féhirðir fylgiskjölin saman við kladda sinn og afhendir þau síðan ríkisbókhaldinu. Þá telur hann sjóð sinn og færir niðurstöðuna í þar til gerða tvíritunarbók. Aðstoðarféhirðir færir í bók þá hve mikið fé hann afhendir ríkisféhirði í dagslok. Annað eintakið úr tvíritunarbók þessari, undirritað af féhirði, er afhent ríkisbókhaldinu.

5. gr.

Ríkisféhirðir tekur við peningabréfssendingum og ábyrgðarpóstsendingum stíluðum til ríkisféhirðis eða ríkissjóðs og ber einn ábyrgð á því, að öll þau bréf komi til skila. Peninga og bankaávísanir, sem fylgja slíkum bréfum, skal strax leggja í sjóð og gefa kvittun fyrir. Aðrar ávísanir frá innheimtumönnum ríkissjóðs skráir ríkisféhirðir hjá sér og innheimtir andvirði þeirra og greiðir það í sjóð svo fljótt,

sem kostur er á. Tilkynna skal innheimtumönnum skriflega, ef ávísun frá þeim 3
fæst eigi greidd eða greiðsla hennar dregst.

4. jan.

6. gr.

Allar inn- og útborganir skulu færðar í sjóðbók áður en þær eru framkvæmdar og er féhirði óheimilt að taka við innborgun eða greiða fé nema bókunin hafi farið fram. Ríkisbókari eða aðstoðarmaður hans annast færslu sjóðbókarinnar. Í sjóðbókina skulu einnig færðar innborganir í bankareikninginn og útborganir úr honum. Fylgiskjölín skulu merkt tölum í framhaldsröð, og tala þeirra færð í sjóðbókina. Sá, sem sjóðbókina færir, skal einnig meðundirrita kvittanir fyrir innborgunum og ávísanir á bankareikning, sbr. 2. gr.

Niðurstaða sjóðbókarinnar sýnir hve mikið á að vera í sjóði í lok hvers dags.

7. gr.

Afgreiðsla ríkisféhirðis skal vera opin fyrir almenning kl. 10—12 og kl. 13—15 daglega nema á laugardögum kl. 10—12.

8. gr.

Með reglugerð þessari, sem öðlast þegar gildi, er felld úr gildi reglugerð nr. 15 22. janúar 1919, um framkvæmd á störfum ríkisféhirðis.

Fjármálaráðuneytið, 4. janúar 1951.

Eysteinn Jónsson.

Magnús Gíslason.

REGLUGERÐ

4

um framkvæmd líkbrennslu.

9. jan.

Samkvæmt lögum um líkbrennslu nr. 41 frá 3. nóv. 1915, er hér með sett eftirfarandi reglugerð:

I. KAFLI

Um bálstofur.

1. gr.

Líkbrennslu má aðeins framkvæma í bálstofum, sem viðurkenndar hafa verið af kirkjumálaráðuneytinu.

Eigi má hefja byggingu bálstofu, nema fyrir liggja samþykki ráðuneytisins um staðsetningu og fyrirkomulag í aðalatriðum.

Eigi má hefja starfrækslu bálstofu fyrr en ráðuneytinu hefur verið tilkynnt, hverjir séu stjórnendur hennar og ábyrgir fyrir því, að farið sé að ákvæðum reglugerðar þessarar.

2. gr.

Bálstofum skal ávallt haldið í góðu lagi. Tæki öll skulu vera vel nothæf, starfslið nægjanlegt og starfshættir hreinlegir, skipulegir og viðfelldnir.

Ráðuneytið og heilbrigðisstjórnin skulu ávallt eiga þess kost að hafa eftirlit með rekstri bálstofanna.